



PRAVOSUDNI FORUM za Bosnu i Hercegovinu

„Oduzimanje nezakonito stečene imovine“

ZAKLJUČCI

- U postupcima koji se odnose na oduzimanje nezakonito stečene imovine postoji dobro ustanovljena praksa Evropskog suda za ljudska prava i Ustavnog suda koju je potrebno slijediti u pogledu primjene člana 1. Protokola broj 1 uz Evropsku konvenciju za zaštitu ljudskih prava i osnovnih sloboda i člana 7. Evropske konvencije za zaštitu ljudskih prava i osnovnih sloboda. To znači da u borbi države protiv organiziranog kriminala moramo voditi računa o tome da osiguramo poštovanje osnovnih ljudskih prava, kao i balans između javnog interesa i individualnih prava.
- Svako djelovanje pravosudnih organa mora biti predviđeno zakonom, mora biti u skladu s općim načelima međunarodnog prava, mora imati legitiman cilj ili biti u javnom interesu te poštovati načelo proporcionalnosti. Opravdani javni interes pri tome ne može opravdati nedostatke u proceduri niti može zamijeniti jasno utvrđene standarde pravičnog postupka i zaštite legitimnih očekivanja vlasnika.
- Oduzimanje imovinske koristi stečene krivičnim djelom prema počiniocu djeluje restriktivno, a prema svim drugim preventivno, što ukazuje na značaj vođenja tih postupaka.

- Prilikom oduzimanja nezakonito stečene imovinske koristi neophodno je sinhronizirano djelovanje svih institucija – policija, tužioci, antikorupcijski ured, ured za upravljanje imovinom, bankarski sistemi i sve agencije.
- Bosna i Hercegovina se mora uskladiti s tokovima unutar Evropske unije kako bi doprinijela ukupnoj borbi protiv organiziranog kriminala u Evropskoj uniji.
- Kada se govori o zakonodavnom okviru, Sud Bosne i Hercegovine se suočava s problemima nepostojanja zakona, ali i agencije na državnom nivou koja bi, nakon donošenja pravosnažne odluke, preuzela nadležnost u pogledu upravljanja tom imovinom pa je tu neophodno djelovanje nadležnih organa.
- Zakonodavni okviri trebaju biti unaprijeđeni, ali isto tako svi organi moraju pokušati djelovati u okviru postojećih zakona vodeći računa o načelu pravne sigurnosti.
- Potrebno je unaprijediti saradnju sa zemljišnoknjižnim uredima i katastrima i po mogućnosti stvoriti jedinstvenu bazu podataka koja bi doprinijela bržem djelovanju nadležnih organa.
- Potrebno je raditi na stalnom unapređenju kapaciteta svih onih koji rade na takvim predmetima, posebno imajući u vidu različite načine počinjenja krivičnih djela.